

scripsit dictæ Epistolæ Synodali ad Leonem Imperatorem.

DODONEA Dodone Pausaniæ lib. 7. hodie non extat. *Theodorus* Dodoneæ Episcopus Concilio Ephesino subscripsit, & *Vranus* dictæ Epistolæ ad Leonem.

CORCYRA Insula & Vrbs Ptol. vbisupra vulgò *Corfou*. *Apollodorus* Corcyraeus Nicæno Concilio subscripsit.

ADRIANOPOLIS vrbs Episcopalis veteris Epiri libro Conciliorum, & Epistolæ Synodicæ huius Prouinciæ ad Leonem Imperatorem, cui *Hypatius* eius sedis Episcopus subscripsit, & *Eutichius* adfuit actioni primæ Concilij Chalcedonensis.

BVTHROTVM, Straboni lib. 7. & Ptol. lib. 3. cap. 14. Buthrotorum sinus. *Stephanus* Buthroti Episcopus eidem Epistolæ subscripsit.

EVRIA Hierocli & libro Conciliorum, cui etiam aliquando Euro-
ma, vrbs Episcopalis Epiri veteris, Italis *San Donato*. *Eugenius* Euromæ Episcopus subscripsit Epistolæ Synodicæ huius Prouinciæ ad Leonem, *Theodotus* autem Episcopus Euriz antiquæ Epiri, est in Conc. Constanti-
nopolitano sub Agapeto & Menna.

PHOTICA Hierocli MS. Huius Antistes *Didacus* subscripsit dictæ Epistolæ ad Leonem, vbi mendosè legitur Phocæ, & *Philippus* alteri ad Hormisdam.

CEPHALENIA Insula Ptolem. lib. 3. cap. 14. vulgò *Cefalonia*. Noë Cepha-
pha-Castelli alias Cephaleniæ Episcopus subscripsit Concilio Chalcedo-
nensi.

PROVINCIA CORINTHI SEV ACHAIÆ.

CORINTHVS Ptol. lib. 3. cap. 16. vulgò Italis *Corinto* & *Coranto*, Tur-
cis *Germe* teste Leunclauio. *Perigenes* Corinthiorum Episcopus subscripsit
Concilio Ephesino, & *Petrus* Epistolæ Synodicæ Achaiz ad Leonem Im-
peratorem.

ATHENÆ Ptol. eodem lib. cap. 15. vulgò *Sethines* teste Sophiano. *Dio-
nysius* primus Atheniensis Episcopus dicitur apud Euseb. lib. 3. cap. 4. &
Athanasius subscripsit dictæ Epistolæ.

PATRÆ Ptolem. eod. lib. cap. 16. vulgò *Patra* Sophiano. *Prostarcus* ab
Achaia de Patris subscripsit Concilio Sardicensi, & *Alexander* dictæ Epi-
stolæ Synodali.

ARGOS Ptol. ibid. vulgò *Argo*. *Onesimus* Argorum Helladis Episcopus
subscripsit Concilio Chalcedonensi, & *Thales* dictæ Epistolæ.

MEGALOPOLIS, quæ & Christianopolis Ptolem. ibid. vulgò *Leon-
dari*, teste Sophiano. *Timothens* huius ciuitatis Episcopus subscripsit dictæ
Epistolæ.

LACEDÆMON quæ & Sparta Ptolem. ibid. vulgò *Misura* Sophiano
teste. *Hosius* Lacedæmoniorum Antistes subscriptus legitur eidem Episto-
læ Synodali.